

AL-HIKMAH

Jilid 11 ISSN 1985-6822 2019
No. 1 1441

- APLIKASI PROGRAM ATLAS.TI DALAM PENYELIDIKAN KUALITATIF BIDANG PENGAJIAN ISLAM: SUATU CADANGAN AWAL... 3-21
Mohd Faiz, Mohamed Yusof & Nurhanani Romli
- LAKUAN LOKUSI GURU AGAMA BANGSA MELAYU... 22-40
Muhammad Zuhair Zainal, Mohd Farid Mohd Sharif, Md Baharuddin Abdul Rahman & Al-Amin Mydin
- DAKWAH SYEIKH NAZIM AL-QUBRUSI: ANTARA PENERIMAAN DAN PENOLAKAN... 41-59
Mohd Asyran Safwan Kamaruzaman, Mohd Haidhar Kamarzaman & Kamarudin Salleh
- PENDEKATAN STREET DAKWAH KEPADA BUKAN ISLAM DALAM KALANGAN PENDAKWAH NGO MUSLIM DI PULAU PINANG... 60-73
Mohamad Nasir Noor Azemy & Rosmawati Mohamad Rasit
- PERANAN GURU PENDIDIKAN ISLAM MEMBENTUK AKHLAK PELAJAR DI SEKOLAH MENENGAH KEBANGSAAN DAERAH KUNAK SABAH... 74-87
Rosnijah Arolah & A'dawiyah Ismail
- MANHAJ TARBIAH SAYYID MUHAMMAD ALI AL-SANUSI... 88-96
Mohd Sobirin Mohd Azehar & Ahmad Irdha
- ANALISIS FAKTOR KEAGAMAAN TERHADAP AMALAN BERSEDEKAH DALAM KALANGAN MAHASISWA ISLAM: APLIKASI TEKNIK FUZZY DELPHI... 97-117
Ahmad Ridwan Osman @ Hussin, Zaharah Hussin & Abdul Muhsin Sulaiman
- PENGURUSAN TABAYYUN DALAM DAKWAH... 118-131
Mohamad Zulkifli Abdul Ghani, Abu Dardaa Mohamad & Rosmawati Mohamad Rasit
- PENGIMARAHAN DI MASJID TUANKU MIZAN ZAINAL ABIDIN (MTMZA), PUTRAJAYA... 132-143
Ahmad Rijal Ghazali & Ahmad Irdha Mokhtar
- MANHAJ DAKWAH HABIB UMAR BIN HAFIZ... 144-159
Wan Suhailah Wan Abdul Jalil & Abu Dardaa Mohamad

Al-Hikmah 11(1) 2019: 132-143

Pengimaranan Di Masjid Tuanku Mizan Zainal Abidin (MTMZA), Putrajaya

Interment at the Mizan Zainal Abidin Mosque (MTMZA), Putrajaya

AHMAD RIJAL GHAZALI
AHMAD IRDHA MOKHTAR

ABSTRAK

Masjid merupakan sebuah institusi yang penting dalam kehidupan umat Islam seluruh dunia. Persoalan yang menjadi tumpuan berkaitan isu pelaksanaan pengimaranan di masjid ini ialah sambutan masyarakat Islam dan bukan Islam yang kurang menggalakkan terhadap program atau aktiviti masjid yang dijalankan, penyebaran maklumat aktiviti yang dirancang tidak dapat dilaksanakan secara proaktif dan golongan Sasaran program yang kurang diambil perhatian oleh pihak pengajur dan pengurusan masjid. Oleh itu, kajian ini bertujuan untuk mengkaji pengimaranan yang dilaksanakan Masjid Tuanku Mizan Zainal Abidin (MTMZA), Putrajaya serta mengenal pasti bentuk-bentuk program yang dijalankan bagi masyarakat setempat dan sekitarnya. Kaedah kajian yang digunakan ialah kajian kualitatif melalui kaedah analisis kandungan untuk mendapatkan maklumat yang tepat daripada bahan kepustakaan. Kajian ini dapat membantu meningkatkan kualiti dalam pengurusan pelaksanaan program pengimaranan di masjid tersebut dan secara umumnya masjid seluruh Negara melalui medium dan golongan sasar yang sesuai dengan pelaksanaan aktiviti yang berkesan dan komprehensif bukan lagi secara tradisi dan tidak selari dengan perkembangan dan tuntutan zaman. Selain itu, masyarakat ingin melihat masjid seluruh Negara dapat berkembang ke arah kemajuan dan berinovasi dalam meningkatkan syiar dan ajaran Islam melalui pengimaranan masjid yang dinamik dalam pembinaan sahsiah dan pembangunan modal insan yang bertamadun dan berwawasan.

Kata kunci: *pengimaranan, masjid, pengurusan, modal insan, pembangunan*

ABSTRACT

Mosque is an important institution in the lives of Muslims worldwide. The central issue related to worship activities in the mosque is the overwhelming response from the Muslim and non-Muslim communities to programmes and activities organised by mosques, but the information dissemination of the planned activities is not proactively practiced and the target groups of the programmes are under-appreciated by the organisers and managements of the mosques. Therefore, the purpose of this study is to examine the worship activities conducted by Masjid

Tuanku Mizan Zainal Abidin (MTMZA), Putrajaya and to identify the types of programmes carried out for the local and surrounding communities. The research method used is qualitative study through content analysis method to obtain accurate information from library materials. This study can help to improve the quality of management of the implementation of the worship programmes at the mosque and others mosques nationwide through the mediums and target groups that are effective and comprehensive activities that are not traditional and not consistent with the development and demands of the age. In addition, the community wants to see mosques all over the country grow in progress and innovative in enhancing Islamic teachings through dynamic worship activities towards developing characters and human resources.

Keywords: *worship, mosque, management, human resources, development*

PENGENALAN

Pelbagai program pengimaranan telah dilaksanakan di masjid-masjid dinihari, sama ada berbentuk kuliah, ceramah, ziarah mahabbah penduduk setempat dan luar kawasan, pertandingan sukan indoor seperti memanah, pingpong dan sukan outdoor seperti futsal, explore race, berbasikal, karnival, pameran pelbagai sektor awam dan swasta serta badan-badan bukan kerajaan (Ngo's), majlis keraian seperti majlis pernikahan, aqiqah, tahnik dan sebagainya.

Perkara ini dapat kita amati dari sirah nabawiyah yang menjelaskan kepada kita bahawa antara peranan Masjid Nabawi di Madinah Munawwarah suatu ketika dulu adalah tempat untuk melaksanakan aktiviti dan program seperti berikut (Abdurrahman Raden A.H 2004):

1. Menunaikan ibadah solat
2. Menyelesaikan masalah sosial umat Islam
3. Perbincangan meningkatkan ekonomi Islam
4. Latihan ketenteraan dan persiapan alat-alat peperangan
5. Merawat tentera-tentera Islam yang tercedera ketika peperangan (Pusat rawatan/Hospital)
6. Perbicaraan sesuatu kes (Mahkamah)
7. Menyambut tetamu yang hadir dari luar Madinah
8. Meletakkan tawanan perang (Penjara)
9. Memberi penerangan tentang sesuatu isu atau permasalahan

Penyataan ini menjelaskan lagi bahawa masjid pada zaman hayat baginda SAW merupakan pusat pentadbiran, sumber keadilan dan pertolongan, tempat perlindungan dan berteduh, pusat kegiatan masyarakat dan dakwah

Islam, pusat dan tempat beribadat, bertahajjud dan sujud kepada Allah SWT. Ianya merupakan pusat menghubungkan antara manusia dengan manusia dan manusia dengan Allah SWT (Lokman Ab. Rahman & Musa Ahmad 1996)

Menyoroti perkembangan masjid di Malaysia pada masa kini, masjid-masjid di Malaysia berkembang dengan baik. Ini dibuktikan dengan peruntukan yang dibelanjakan oleh kerajaan bagi meningkatkan kualiti fizikal masjid serta penganjuran program masjid di seluruh negara. Pernyataan ini dikuatkan lagi menurut Jaafar bahawa Negeri Selangor sebagai contoh telah memperuntukkan di dalam Enakmen Pentadbiran Perundangan Negeri Selangor 1989, seksyen 58 (1), memberi jaminan tentang peruntukan dan pembiayaan oleh pihak Majlis bagi memastikan pengurusan dan pentadbiran masjid dapat diurus dengan baik untuk memenuhi keperluan ibadah umat Islam (Khatijah Osman & Suhailiza Md. Hamdani 2010).

Oleh yang demikian, beberapa isu masjid telah dikenal pasti yang menjadi tularan masyarakat Islam pada hari ini. Aspek pengurusan atau kepimpinan masjid dalam memperkasakan institusi masjid sentiasa berkumandang di dada-dada akhbar, sidang parlimen dan diskusi intelektual. Semakin lama, isu pentadbiran dan pengurusan masjid semakin diperdebatkan untuk penambahbaikan. Jelas perkembangan semakin meningkat dari sudut sistematiknya pengurusan masjid di Malaysia dan cabaran semasa dalam menguruskannya. Hasil kajian yang lalu mendapati bahawa maklum balas masyarakat terhadap aktiviti masjid-masjid negeri di Semenanjung Malaysia berada pada tahap yang memuaskan. Ini adalah berasaskan penilaian responden terhadap aspek keberkesanan penganjuran program, aspek kepuasan dan aspek persepsi responden tentang program yang diadakan (Yusmini bt. Md. Yusoff 2004).

Oleh itu, suatu analisis berkaitan pelaksanaan dalam pengimaranan masjid perlu dilaksanakan bagi memastikan fungsi masjid seperti yang telah ditunjukkan oleh Baginda SAW dapat terus dilestarikan. Malah usaha ini patut dipergiatkan untuk menjadikan masjid sebagai pusat kemajuan ummah sejagat. Ini memerlukan kepada kefahaman yang bersepadan dengan tuntutan agama Islam yang menjelaskan dengan terperinci perkaitan di antara memakmurkan masjid dengan ketakwaan dan keimanan seseorang Muslim seperti mana firman Allah SWT :

مَا كَانَ لِلْمُشْرِكِينَ أَنْ يَعْمَلُوا مَسْجِدَ اللَّهِ شُهِدِينَ عَلَىٰ أَنفُسِهِمْ بِأَنْكُفَرٍ أُولَئِكَ حَبِطَتْ أَعْمَالُهُمْ وَبِنِ اُنَّتَارِ هُمْ
خَلِيلُونَ ١٧ إِنَّمَا يَعْمَلُ مَسْجِدَ اللَّهِ مِنْ عَامِنَ بِاللَّهِ وَالْيَوْمِ الْآخِرِ وَأَقَامَ الْحُصَّةَ وَإِنَّمَا الْرُّكْبَةَ وَمَمْ يَنْهَا إِلَّا اللَّهُ فَعَسَىٰ
أُولَئِكَ أَنْ يَكُونُوا مِنَ الْمُهْتَدِينَ ١٨

Maksudnya: “*Tidaklah layak orang-orang kafir musyrik itu memakmurkan (menghidupkan) masjid-masjid Allah, sedang mereka menjadi saksi (mengakui) akan kekufuran diri mereka sendiri, mereka itu ialah orang-orang yang rosak binasa amal-amalnya dan mereka pula kekal di dalam neraka. Hanyasanya yang layak memakmurkan (menghidupkan) masjid-masjid Allah itu ialah orang-orang yang beriman kepada Allah dan hari akhirat serta mendirikan sembahyang dan menunaikan zakat dan tidak takut melainkan kepada Allah, (dengan adanya sifat-sifat yang tersebut) maka adalah diharapkan mereka menjadi dari golongan yang mendapat petunjuk.* (Al-Quran, al-Taubah 9: 17-18).

Di dalam aspek kepimpinan dan pengurusan masjid, kita dapat fahami bahawa peranan imam, kakitangan masjid dan pihak pengurusannya terhadap prestasi organisasi masjid dan pembangunan masyarakat adalah amat penting, baik di negara-negara Islam seperti Malaysia maupun di negara-negara yang komuniti Islam adalah minoriti. Namun, kita sedia maklum bahawa terdapat pelbagai faktor yang boleh dikaitkan dengan prestasi pelaksanaan pengimaranan masjid di MTMZA ini, adakah berada di tahap yang membanggakan, memuaskan atau sederhana. Langkah ini amat penting terutamanya dalam usaha menentukan kejayaan dan kegagalan pelaksanaan program pengimaranan di MTMZA ini memberikan impak dalam pembangunan insan kepada anggota Jemaah dan masyarakat setempat.

LATARBELAKANG MASJID TUANKU MIZAN ZAINAL ABIDIN, PUTRAJAYA

Masjid Tuanku Mizan Zainal Abidin, Putrajaya atau lebih dikenali sebagai “Masjid Besi” merupakan masjid utama di Malaysia yang dipertanggungjawabkan pengurusannya kepada Jabatan Kemajuan Islam Malaysia (JAKIM), di bawah portfolio Menteri di Jabatan Perdana Menteri (JPM) sewajarnya menjadi model dan contoh kepada masjid-masjid di Negara ini dalam melaksanakan program dan aktiviti pengimaranan masjid. Ini memberikan gambaran bahawa masjid ini perlu memainkan peranan dan fungsinya dengan aktif dan berstrategik ke arah pembentukkan ummah yang berwibawa setara dengan tarafnya yang bersifat nasional dan antarabangsa di persada dunia.

Masjid ini terletak di pusat pentadbiran negara Malaysia (Putrajaya) yang dikelilingi oleh pelbagai lapisan stratifikasi dalam tingkatan sesebuah masyarakat. Adalah menjadi suatu keistimewaan kepada masjid ini kerana dapat menarik umat Islam untuk datang

mengimarahkan dan memakmurkan dengan tuntutan agama Islam. Kehadiran warga tempatan Putrajaya dan masyarakat sekeliling untuk mengimarahkannya menjadi pemangkin perubahan kepada masyarakat tersebut supaya menjadi masyarakat yang beriman dan berilmu sejajar dengan peredaran zaman. Perkara ini amat bertepatan dan selari dengan objektif MTMZA iaitu, menjadikan Masjid Tuanku Mizan Zainal Abidin sebagai model sebuah institusi pengurusan berintegriti, ibadah, penyebaran ilmu, dakwah, kemasyarakatan dan perpaduan ummah kepada masjid-masjid lain di Malaysia dan di dunia.

KEMUDAHAN DAN KELENGKAPAN

Apabila dilihat dari aspek binaan masjid ini menggambarkan bahawa ianya adalah sebuah bangunan yang dibina bercirikan moden yang diadaptasi oleh pelbagai seni reka tempatan dan luar negara. Selain ruang solat utama yang mampu menampung kapasiti sekitar 14,000 orang serta ruang solat tambahan lelaki dan perempuan sebanyak 6,000 orang menjadikan jumlah kapasiti sebanyak 20,000 jemaah dalam satu-satu masa. Malah terdapat juga sebuah dewan serbaguna di tingkat bawah bagi kegunaan kuliah dan seminar serta bengkel yang dapat memuatkan seramai 400 orang.

Terdapat juga 10 lot kedai yang menempatkan pelbagai perniagaan dan perkhidmatan seperti kedai buku JAKIM, cafeteria, kedai dobi, syarikat pelancongan, kedai jualan busana muslim, dan sebagainya. Bagi memastikan segala pengurusan dan perkhidmatan kepada ahli Jemaah dan pengguna, maka ditempatkan pejabat pentadbiran untuk kakitangan masjid seramai 30 orang yang terdiri dari penjawat awam berstatus tetap lantikan JAKIM serta pelantikan syarikat swasta yang dikendalikan oleh pihak kontraktor penyelenggaraan, kebersihan dan pengawal keselamatan.

PELAKSANAAN PROGRAM PENGIMARAHAN

Setiap sesuatu yang wujud didunia ini mempunyai peranannya yang tersendiri. Apabila kewujudan sesuatu itu tidak mempunyai peranan yang jelas maka ianya telah menghukum dirinya dengan kamatian, kerana tidak mempunyai masa depan yang jelas untuk terus wujud (Khatijah Osman & Suhailiza Md. Hamdani 2010). Dalam kajian ini akan menjelaskan lima misi utama pelaksanaan program pengimaranan yang dilakukan oleh MTMZA sebagai sebuah institusi masjid yang boleh menjadi contoh kepada masjid-masjid lain di Malaysia. Misinya adalah seperti berikut;

1. MTMZA Sebagai Pusat Ibadat;
2. MTMZA Sebagai Pusat Perkembangan Ilmu Sepanjang Hayat;
3. MTMZA Sebagai Pusat Khidmat Masyarakat;

4. MTMZA Sebagai Pusat Ekonomi; dan
5. MTMZA Sebagai Pusat Tumpuan Masyarakat

MTMZA Sebagai Pusat Ibadat

Masjid merupakan tempat ibadat yang ekslusif bagi orang Islam. Di sana mereka menunaikan solat fardhu lima waktu, solat dua Hari Raya, mendengar khutbah dan peringatan setiap minggu pada hari Jumaat dan pelbagai ibadat lainnya. Oleh yang demikian masjid menjadi pusat ibadat dan perhimpunan harian, mingguan dan tahunan bagi umat Islam. Masjid diberikan kedudukan yang sangat tinggi dalam ajaran Islam dengan kelebihannya sebagai tempat ibadat umat Islam dan peranannya sebagai pusat aktiviti masyarakat dan negara sehingga Rasulullah saw telah mengambil langkah membina masjid setiap kali baginda sampai di tempat baru (Shukeri Mohamad 2011).

Namun dinihari, umat Islam sepatutnya merasa malu dan tidak merasa bangga dengan keindahan dan seni bina masjid yang cantik dan besar, akan tetapi Jemaah yang bersolat di dalamnya hanya bilangan yang sedikit jika dibandingkan penduduk di sesuatu kawasan. Jesteru, apakah langkah yang perlu diambil untuk mengatasi masalah ini dan mengembalikan kegemilangan institusi masjid sebagai pusat ibadat yang merangkumi pelbagai dimensi syariah dan sosial?

“Ini sudah pastinya disebabkan oleh kerana masjid menjadi tempat eksklusif untuk ibadat khusus seperti solat dan beriktikaf, di samping beberapa kegiatan yang lebih tertumpu kepada pengajian dan ceramah agama. Manakala urusan masyarakat hamper tidak lagi melibatkan masjid selain daripada urusan berkaitan nikah-kahwin, kematian dan seumpamanya (Zainuddin Jaffar 2001)”.

Di antara rahsia dalam pengimaranan masjid pada zaman baginda saw iaitu membinanya atas dasar taqwa dan ikhlas kerana redha Allah. Ini juga telah dibenarkan melalui peristiwa yang berlaku pada zaman Rasulullah saw di Madinah, terdapatnya segolongan munafik yang membina masjid kerana menunjukkan kemegahan, mencari nama dan kemasyhuran serta di atas dasar ingin memecah belahkan umat Islam yang dinamakan sebagai masjid dhirar seperti yang dinyatakan oleh Allah swt :

وَالَّذِينَ اتَّخَذُوا مَسْجِدًا ضِرَارًا وَكُفْرًا وَنُفُرًا بَيْنَ الْمُؤْمِنِينَ وَإِرْصَاكًا لِمَنْ حَازَبَ اللَّهُ وَرَسُولُهُ مِنْ قَبْلٍ وَلَيَحْلِفُنَّ إِنْ أَرْدَنَا إِلَّا الْحُسْنَى وَاللَّهُ يَشْهُدُ إِنَّمَا لَكَادُّوْنَ ۖ ۱۰۷

Maksudnya : “*Dan (di antara orang-orang munafik juga ialah) orang-orang yang membina masjid dengan tujuan membahayakan (keselamatan orang-orang Islam), dan (menguatkan) keingkaran (mereka sendiri) serta memecah-belahkan perpaduan orang-orang yang beriman, dan juga untuk (dijadikan tempat) intipan bagi orang yang telah memerangi Allah dan RasulNya sebelum itu. Dan (apabila tujuan mereka yang buruk itu ketara), mereka akan bersumpah dengan berkata:” Tidaklah yang kami kehendaki (dengan mendirikan masjid ini) melainkan untuk kebaikan semata-mata . Padahal Allah menyaksikan, bahawa sesungguhnya mereka adalah berdusta*”. (Al-Quran, al-Taubah 9: 107)

Rasulullah saw juga menegaskan tentang konsep keikhlasan ini supaya pembinaan masjid tidak bertujuan lain selain mendapat keredhaan Allah dan balasannya melalui sabdanya :

من بنى مسجداً لله تعالى يبتغي به وجه الله بنى الله له بيته في الجنة

Maksudnya: “*Barangsiaapa yang membina masjid untuk mencari redha Allah swt, nescaya Allah akan membina untuknya sebuah istana di dalam syurga.*

Dalam peranan ini, MTMZA sentiasa memberikan tumpuan utama berkaitan ruang solat yang selesa, kondusif, mesra pengguna dan berusaha sedaya mungkin dalam menjadikan masjid ini sifar aduan dari ahli jemaah. Namun sebagai manusia yang serba kekurangan, masih terdapat aduan dan cadangan ahli jemaah bagi menangani masalah persekitaran ruang solat utama yang panas ketika solat Jumaat dan majlis tertentu yang melibatkan limpahan jemaah yang terlalu ramai. Ini adalah disebabkan oleh seni bina masjid ini yang dibina tanpa penghawa dingin dan kipas di mana pembinaannya adalah berkonseptan sistem pengudaraan secara terbuka melalui struktur tanpa dinding.

MTMZA Sebagai Pusat Perkembangan Ilmu Sepanjang Hayat

Bertitik tolak kepada peranan dan fungsi masjid, maka seharusnya dilihat dari sudut yang lebih luas lagi iaitu masjid dijadikan tempat perkembangan ilmu duniawi mahu pun ukhrawi. Ilmu yang disampaikan dan diajarkan di masjid ini merangkumi pelbagai lapisan masyarakat agar umat Islam sentiasa mengimarahkan dan memakmurkan masjid dengan pengisian yang bermanfaat. Pihak masjid sentiasa menganjurkan program keilmuan

berbentuk harian, mingguan, bulanan dan tahunan. Antara program keilmuan yang mendapat sambutan dari ahli jemaah dan penduduk setempat iaitu kelas pengajian al-Quran, kuliah maghrib dan subuh, kuliah berkitab, talaqi al-Quran 30 juzuk, sijil pengajian Islam secara kolaborasi bersama institusi pengajian tinggi awam (IPTA) seperti Universiti Kebangsaan Malaysia (UKM), Universiti Sains Islam Malaysia (USIM) dan Universiti Islam Antarabangsa Malaysia (UIAM), Yayasan Pahang dan lain-lain lagi.

Selain itu juga, pihak MTMZA menganjurkan kelas bimbingan agama kepada saudara baru agar mereka mendapat maklumat dan pembelajaran berterusan sebagai seorang muslim terutamanya dalam bidang fardhu ain seperti akidah, fekah, akhlak dan muamalat. Program ini dianjurkan bersama pihak Jabatan Agama Islam Wilayah Persekutuan Cawangan Putrajaya. Dengan penganjuran dan pelaksanaan program-program ilmu sepanjang hayat ini yang bermula dari peringkat kanak-kanak, remaja sehingga dewasa akan mengembangkan pemikiran umat Islam tempatan, mendalami warisan ilmu agama dan dalam pembinaan jati diri muslim yang berilmu, beribadah dan bertanggungjawab dan berperibadi mulia sama ada sesama muslim dan bukan muslim.

Apabila kita menelusuri sirah baginda saw dalam pembentukan masyarakat Islam, sudah pastinya masyarakat pada zaman tersebut telah diambil perhatian yang serius oleh Rasulullah saw tentang dua perkara asas iaitu ibadat solat dan pembacaan al-Quran. Dua asas ini menjadi perkara yang diambil berat oleh semua masjid dalam mengimarahkannya dengan mengadakan kelas-kelas al-Quran dan kelas fardhu ain. Maka pendekatan yang telah dilaksanakan oleh pihak MTMZA juga menitik beratkan berkaitan hal tersebut sehingga jumlah penyertaan yang mendapat sambutan saban tahun seramai lebih 300 orang pelajar mengikuti kelas al-Quran dari semua peringkat umur. Ini menunjukkan betapa masyarakat di Putrajaya khususnya sangat mengambil serius dalam mendidik masyarakat terutama anak-anak yang masih di bangku persekolahan untuk memanfaatkan waktu dan usia mereka kepada perkara yang berfaedah dan bermanfaat.

Selain itu juga, MTMZA sudah menjadi suatu medan seminar dan kem motivasi kepada pelajar-pelajar sekolah dan institut pengajian tinggi untuk mengadakan program mereka dalam pembinaan syaksiah diri dan jati diri. Pelbagai seminar persediaan peperiksaan, seminar motivasi, kem motivasi diadakan di masjid ini bagi memanfaatkan seoptimum mungkin ruang dan kemudahan yang disediakan oleh pihak kerajaan kepada masyarakat. Sehingga setiap kali bulan Ramadhan, pelajar-pelajar sekolah sekitar Putrajaya akan menyertai program Ihya' Ramadhan

terutamanya aktiviti Tadarus al-Quran Remaja yang berjumlah lebih 300 orang melibatkan semua sekolah menengah kebangsaan di Putrajaya.

MTMZA Sebagai Pusat Khidmat Masyarakat

Putrajaya merupakan salah satu wilayah di negara ini yang mempunyai jumlah penduduk terkecil iaitu 0.3% iaitu sebanyak 95,100 orang daripada penduduk negara berjumlah 31.7 juta keseluruhannya. Ini berdasarkan bancian dan statistik 2016 dari Jabatan Perangkaan Malaysia. Dari jumlah penduduk di negara ini, secara puratanya menunjukkan golongan yang berumur antara 15-64 tahun mewakili jumlah paling besar sebanyak 69.5%. Manakala strata masyarakat yang berumur 65 tahun ke atas adalah sebanyak 6% dan akhirnya generasi pewaris negara yang berumur dari 0-14 tahun adalah sebanyak 24.5% (Pejabat Ketua Perangkawan Malaysia 2016). Sudah pastinya dapat dirumuskan disini bahawa golongan Jemaah tetap masjid yang terdiri warga emas yang berumur 65 tahun ke atas yang mewakili penduduk 6% iaitu sebanyak 5,706 orang dari warga Putrajaya. Maka dari statistik ini menggambarkan kepada masyarakat Putrajaya khususnya bahawa pengunjung dan ahli Jemaah tetap yang datang memakmurkan masjid dan surau-surau sekitar Putrajaya hanyalah dalam julat bilangan 100-115 orang bagi setiap masjid dan surau-surau wilayah ini. Di mana jika dilihat dari jumlah masjid dan surau yang terdapat di Wilayah Persekutuan Putrajaya ini sebanyak 50 buah. Ada pun segelintir kecil dari golongan tersebut yang mengimarahkan MTMZA adalah terdiri dari ahli Jemaah yang berumur antara 15-64 tahun, namun kebanyakkan penduduk Putrajaya masih tidak dapat bersama dalam menyertai program pengimaranan yang dianjurkan.

Oleh yang demikian, MTMZA sangat mengambil berat dan memfokuskan perkara ini dalam menjadikan masjid ini sebagai pusat khidmat masyarakat dengan pelbagai program seperti aktiviti Le Tour MTMZA ke surau-surau Putrajaya, pertandingan futsal antara surau-surau, kelas seni silat, Ihtifal Lil Atfal yang mengadakan pencarian bakat anak-anak dalam bidang kemahiran seperti program ilmiah menghafaz al-Quran, mengalunkan azan, bercerita, kaligrafi khat, sukaneka, memanah dan seumpamanya. Dengan penglibatan masyarakat pada setiap program yang dirancang ini memberikan impak berkaitan kebijakan dan keprihatinan masjid terhadap mereka agar tidak tertinggal dengan pusat nadi masyarakat dan pusat sosial yang sentiasa akan berada di hati mereka. Hal ini dijelaskan dalam sebuah hadis:

“Aisyah telah meriwayatkan bahawa ada beberapa orang pahlawan dari Abisinia dating ke masjid pada suatu hari raya dan

mereka memamerkan seni mempertahankan diri. Rasulullah menjemput saya menyaksikan perlawanan tersebut. Saya meletakkan kepala saya pada bahu baginda dan melihat pameran seni mempertahankan diri itu sehingga saya puas lalu memalingkan pandangan saya". (Hadis riwayat Abu Daud)

MTMZA Sebagai Pusat Ekonomi

Umat Islam perlu sedar bahawa fungsi penggunaan masjid adalah lebih luas daripada hanya sebagai tempat solat dan beribadat semata-mata, mendengar kuliah agama dan menyambut hari peristiwa dan perayaan Islam. Keperluan yang lebih terbuka dan meluas harus diberikan penekanan seperti menjadikan masjid sebagai pusat perkembangan ekonomi ummah. Atas dasar tersebut, maka MTMZA sejak beroperasi telah menganjurkan aktiviti Jualan dan Pameran Saiyidul Ayyam pada setiap hari Jumaat. Program ini adalah sebagai suatu peluang kepada peniaga muslim untuk menjana ekonomi dan mengembangkan perniagaan mereka kepada pelanggan dan pengunjung masjid ini.

Selain itu, pihak masjid menyediakan 10 buah lot kedai dengan memberi peluang kepada peniaga dan pengusaha untuk mengimarahkan MTMZA kepada ahli jemaah. Di antara perkhidmatan yang disediakan adalah kafeteria, pusat dobi, kedai buku Jabatan Keamjuan Islam Malaysia (JAKIM), Persatuan Kakitangan Pegawai Ugama (PKPU), busana muslim, perkakas dan peralatan rumah serta lain-lain lagi. Di samping itu juga, ahli jemaah dan pengunjung masjid yang selesai dengan aktiviti berkaitan ibadat, pengisian ilmu dan sebagainya, seterusnya dapat memenuhi keperluan fizikal dan kehidupan harian dengan perkhidmatan yang disediakan ini. Ini bertepatan dengan objektif masjid itu sendiri yang mementingkan pembangunan masyarakat dengan berusaha bersungguh mencapai redha Allah dan dalam masa yang sama dapat mengukuhkan ukhuwah Islamiyah hubungan sesama manusia.

MTMZA Sebagai Pusat Tumpuan Masyarakat

Umat Islam pada hari ini perlu memahami bahawa fungsi dan peranan masjid pada zaman Rasulullah adalah dipengaruhi oleh faktor-faktor tertentu yang melatari suasana ketika itu. Islam tidak mempunyai konsep masjid sebagai ‘Rumah Tuhan’ atau ‘Rumah Ibadat’ seperti yang dianggap oleh ahli sejarah agama dan seni bina. Oleh itu, bukanlah suatu yang pelik jika masjid menjadi pusat penggerak masyarakat dari pelbagai aspek (Khatijah Osman & Suhailiza Md. Hamdani 2010).

Kenyataan ini menjelaskan kepada umat Islam bahawa sebagai pusat tumpuan dan penggerak masyarakat dalam pelbagai aspek bukan hanya berkaitan dengan ibadat, akidah, akhlak bahkan masjid menjadi pusat muamalat yang amat penting. Dalam usaha tersebut, sudah pastinya pelbagai provokasi dan tanggapan serta kritikan dilemparkan, namun itulah realiti yang perlu diketengahkan dan diperjelas kepada masyarakat bahawa masjid sebenarnya mampu membina kemantapan moral dan akhlak manusia sekiranya dijadikan sebagai one stop center (pusat tumpuan masyarakat) yang komprehensif dan bersistematis. Bagi mengadaptasikan hasrat ini, MTMZA cuba merealisasikan harapan tersebut dengan pengajuran program pengimaranan yang tiada noktahnya, bahkan menganggap segala komen dan cadangan dari ahli jemaah dan pengunjung sebagai check and balance untuk inspirasi kakitangan dan pihak pengurusan masjid terus menabur bakti dan khidmat sehingga ke titisan akhir hayat ini.

Sudah semestinya umat Islam di negara ini khususnya tidak ingin melihat bahawa masjid ini hanya menjadi tumpuan pada hari peristiwa dan hari kebesaran tertentu sahaja. Malah ini turut dijelaskan oleh Che Mat Che Ali (1980) dalam Muktamar Masjid Peringkat Kebangsaan di Bangi, bahawa melihat kepada perkembangan masjid dewasa ini di Malaysia maka fungsinya dalam fenomena penghayatan bolehlah dibahagikan kepada 3 bahagian:

1. Masjid yang hidup (dikunjungi jemaah) setiap waktu solat bagi menunaikan solat waktu dengan menjadikan tempat untuk beribadat siang dan malam. Di samping mengadakan kelas-kelas pengajian tertentu. Sehubungan itu, masjid harus dikunjungi jemaah di hari Jumaat dan hari-hari perayaan kebesaran dalam Islam.
2. Masjid yang hidup seminggu sekali di mana jemaah menghadirinya untuk menunaikan solat Jumaat sahaja dan menjadikan tempat menyambut hari-hari perayaan dan hari-hari kebesaran tertentu.
3. Masjid yang hanya dikunjungi setahun sekali iaitu ketika hari-hari kebesaran tertentu sahaja.

PENUTUP

Masjid adalah suatu institusi masyarakat yang paling agung dan amat tinggi kedudukan dalam agama Islam. Pelbagai faktor perlu diambil tindakan yang serius dan diberikan perhatian dalam mengembalikan syiar masjid terutama dari sudut pengimaranan yang makin lesu dan tidak bertenaga dinihari. Umat Islam sendiri yang perlu meletakkan diri mereka sebagai ‘umat masjid’ dan ‘institusi ummatik’ kerana ia merupakan tempat

berdenyutnya nadi masyarakat dalam kehidupan ini. Pastinya melalui kelestarian tersebut dalam membangunkan personaliti ummah menjadi asas dan dasar bagi melahirkan generasi yang bertaqwa dan beriman di sisiNya selalu.

Setiap orang seharusnya mencari peluang dan ruang untuk memberikan peranan dan khidmat baktinya dalam ikatan dirinya dengan masjid. Sudah pasti segala curahan tenaga dan usahanya dalam meningkatkan dan memajukan institusi masjid ini akan memperolehi ganjaran dan balasan yang selayaknya oleh Allah swt dan juga di sisi masyarakat. Selain itu juga, peranan masyarakat amat diperlukan dan menjadi tunggak utama dalam menjayakan segala pelaksanaan program pengimaranahan masjid terutamanya kepada warga Putrajaya dalam mengimarahkan dan memakmurkan MTMZA ke suatu mercu yang gemilang dan menjadi contoh teladan kepada masjid lain di seluruh Malaysia dan luar negara.

RUJUKAN

- Abdurrahman Raden A.H. 2004. Peranan Masjid Masa Kini: Satu Penilaian Berkaitan Dengan Kedudukannya Sebagai Wadah Kepimpinan Raja. Brunei.
- Che Mat Che Ali. 1980. Masalah-masalah Semasa Dalam Pengahayatan Masjid Sebagai Pusat Islam dan Pusat Kegiatan Masyarakat Di Malaysia. Bangi: Universiti Kebangsaan Malaysia.
- Khatijah Osman & Suhailiza Md. Hamdani. 2010. Masjid Sebagai Tunjang Aktiviti Sosial Masyarakat Islam: Satu Cadangan Konsep Pelaksanaan. ILIM 3.
- Lokman Ab. Rahman & Musa Ahmad. 1996. Pengantar Sains Pengurusan Masjid, hlm. Pertama. Melaka: Majlis Agama Islam Melaka & Kolej Islam Melaka.
- Pejabat Ketua Perangkawan Malaysia. 2016. Anggaran Penduduk Semasa, Malaysia 2014-2016. Jabatan Perangkaan Malaysia.
- Shukeri Mohamad, A. S. H. & M. A. M. A. 2011. Rahsia Pengimaranhan Masjid Menurut Al-Quran dan Al-Sunnah. Banda Aceh.
- Yusmini bt. Md. Yusoff. 2004. Maklum Balas Masyarakat Terhadap Aktiviti Masjid-Masjid Negeri Di Semenanjung Malaysia.
- Zainuddin Jaffar. 2001. Ke Arah Menjadikan Institusi Masjid Sebagai Pusat Kecemerlangan Komuniti Islam Selangor. YADIM 2.